



Mariane Paviassen Jensen
inatsisartut@ina.alla.gl

Narsarsuup siunissaa pillugu § 37 naapertorlugu apeqqueteqaammut 2025-181-imut akissut

Ulloq: 29-10-2025
Suliap nr.: 2025 - 22094
ID. nr.: 78418502

Asasara Mariane Paviassen Jensen (Inuit Ataqatigiit)

Narsarsuup siunissaa pillugu Inatsisartut suleriaasianni § 37 naapertorlugu Naalakkersuisunut apeqqueteqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaat kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Narsarsuup siunissaa pillugu suleqatigiissitap suliai sumut killippat?

Akissut: Suleqatigiissitaliap suliniutissanut ataasiakkaanut pilersaarutit, mittarfiup qulimiguulinnut mittarfinngorlugu allanngortinneqarneranut atatillugu pisussat, ilusilersuleruttorpai. Tassani ilaatinneqarput, kisianni taakkununngaannaq killegaratik, illuutit, atortut, upalungaarsimanerup assigisaasalu, kiisalu suliniutissat sorliit siunissami Narsarsuarmi inuuniarnerup pitsaassusaanik qulakkeerinissamut pisariaqarnerut, paasisimaarilernissaat. Suleqatigiissitaliaq Kommune Kujallermit aqunneqarpoq aammalu Greenland Airports, KNI, Nukissiorfiit aammalu Naalakkersuisoqarfinniit aallartitat peqataatinneqarlutik.

Apeqqut 2. Naalakkersuisut Narsarsuup siunissaa pillugu sunik pilersaaruteqarpat

Akissut: Qaqortumi mittarfik ammarpat, mittarfik qulimiguulinnut mittarfinngortinneqassasoq pillugu pilersaarutaaqqaartoq malillugu Naalakkersuisut sulipput. Narsarsuarmi neriulluarnartumik ineriartornerup ingerlaannarnissaa Naalakkersuisut kissaatigaat. Taamaattumik Suleqatigiissitaliami Kommune Kujalleq sapinngisamik pitsaanerpaamik Naalakkersuisut tapersersorpaat. Najukkami pilersaarutit ataasiakkaat isumagineqarnissaat aammalu Narsarsuup siunissami atorneqarnissaanut periarfissat suleqatigiissitaliami suliarineqarput.

**Apeqquut 3. Naalakkersuisut siunissami periarfissanik sunik Narsarsuarmi
innuttaasunut neqerooruteqarsinnaanerlutik ornigullutik paasissutissiiniarpat?**

Akissut: Naalakkersuisut maannakkorpiaq innuttaasunik ataatsimiititsinissamik pilersaaruteqanngillat aammalu innuttaasut akuutinneqarnissaat kiisalu najukkami ineriartornissamut pilersaarutiniq suliaqarnissaq kommunip akisussaaffiatut isigalugit. Naalakkersuisut tassunga atatillugu, tamanna ajornartinnagu, Kommune Kujalleq tapersersussavaat kiisalu ingerlatassat sorliit Narsarsuarmut soqutiginarsinnaanersut qimerluussallugit ikiuunnissarlu tamaat ikiutissallutik.

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga



Aqqaluaq B. Egede